

Châng Thlan: *Galatia 4:7.*

Zirlaite Tân:

Hriat Tûr: Baptisma channaa Kristaa kan inthuumna leh
Kristâ lalram rochungtu kan nih chhoh dân ennawn.

Vei Tûr: Kan thinlunga Kristâ Thlarau lo chên zâra Pa nêna
inlaichinna duhawm tak neih.

Tih Tûr: Dân hnuai khuahkhirh ni ta lo, roluahu nihna
chanvo chang tawh tûra zalên— Pathian fâ anga nungin.

THUPI THEN

I. Hriat Tûr: Roluahu, Kristaa Inthuum

- A Engtin nge Kristaa baptisma channain Pathian fâa min
siam?
- B Engati nge min chhuah zalên a, A fâte leh roluahu
kan nih theih nâna Kristâ tân ‘dân hnuai hmeichhe
laka piang’ nih kher a ngaih?

II. Vei Tûr: Abba, Ka Pa

- A Engtin nge kan thinlunga Thlarau awm chuan pa leh
fa duh tak kêra hmangaihnaa innêlna a chawhthawh?
- B Chutiang tak hmangaihna duhawm chu eng
nuntawngten ngerawn thlen thîn?

III. Tih Tûr: Lalram Roluahu

- A Engtin nge keini Pathian fâ lo ni tawh thînte hi,
duhsakna chan âia thiltihte bâwihah kan tlûk luh leh
mai sî thîn?
- B Engtin nge nî tin hian Kristâ thihna leh thawhleha
kan inthuum thîn?
- C Engtin nge kan nî tin tih tûra ngaih pawimawh
zâwngte hian Pathian fâte leh A lalram roluah tûte
kan nihna an târlan?

KHAIKHÂWMNA: Kristâ nuna kan nun chuan Pathian fâte tih
kan ni a. Keini lam tlinna ni lo, A thilthlâwnpêkte avângin,
Kristâ lalram roluah tû nihna chanvo zawng zawng changin,
nêl leh hmangaih takin Pâ chu kan lam ta a ni.

INZIRTÎR DÂN TÛR

RAHBI 1—Chawk phûr rawh

Thlarau thanna atâna thu pawimawh: *Isua Kristâ nun te, thihna te, thawhleha leh vân lâwnna chu, Pathianin sual leh thihna thiltihtheihna laka mihringte min chhuah zalênna leh, Amah nêna inlaichînna dik min neih létîr lehna hmanrua a ni. Kristaa zalên taka nung tûra koh kan ni.*

ZIRTÎRTÛTE PUÂL: Heta thawnthû atak ngêia thleng chanchin hmanh gian, Kristâ zâra Pathianin zalênna min pêk hi, tlu tawh mihringte hnêna thilthlâwnpêk hlu ber chu niin, chutiang taka ngaihhlut tûr chu a ni tih min hriattîr dâwn a ni.

Kum 2002 April thlâ khân, Ray Krone-a, tuâlthah thubuai awrh vânga tântîr chu DNA hmanga finfiahna ațanga an chhuah zalên leh tak zâna chiaa a ni. (USA-ah chuan intihhlumna dân hi kum 1976 ațang khân tihthar leh a ni.) Krone-a hi amâ tihsual ni hauh sî lo thubuai ngaihtuah chhông kum 10 emaw lai tântîr a lo ni hman tawh a.

Engtin nge Krone-a chuan a zalênna ni hmasa ber chu a hman? Hotel-a sahrang eiin, tui a chêng zui a, tui vawt nuâm raih maiin a chîm lai chuan hlim takin a âu chhuak hial a ni. Chhuah zalên a nih hnû lawk ațangin rinna a tlâkchhamfirtu ram rorêlna kalhmang chaklohna chu a âuchhuahpui nghâl a. Krone-a chu țum khat chauh pawh ni lo, țum hnih zet mai dân bawhchhia tia thiamloh chantîr a ni a, a țum hnihnaah phei chuan damchhông tâng tûra hrem a ni.

Engtin nge nun dinthar leh zâi a rêl tih zawhna chu, Krone-a chuan, “A hlui dinthar leh zâi ka rêl lo. A thar hlaka nun zâi ka rêl zâwk a. Tûnah chuan nun-thar hlak, tumna thar ka nei ta. . . . A țhalo zâwng, phuba lâk leh thinrim zâwnga kal ka duh lo. Chutiang atân hun ka nei tawh lo,” tiin a chhâng a ni.

Ngaihtuah teh: Hêng zawhnate hi chîk taka ngaihtuah tûrin in pâwl member-te chu sâwm ang che: Kristaa zalênna chu

enge a an? Engtin nge chû zalênna chu a tak tak a nih thû emaw, a nih loh thû emaw kan sawi theih ang? Krone-an bulţan thar chungchâng a sawi a, khâ khân Kristaa nun thar chungchâng eng thutak thûk tak nge a sawi zâwk?

RAHBI 2—Zawng chhuak rawh

ZIRTIRTÛTE PUÂL: Tûnkâr zirlaiin chiang taka a târlan chu, Thuthlung Hlui zâwlneite khân Pathian chibaibûktu dika inchhâla mipuiten a rûk leh rûk vak lo pawha سوالنا an tih ٲhinte târlansak hna hâutak zet an hmachhawn ٲhîn tih a ni.

ZIR ZAUNA

I. Thi Chiang Ngêi (*Rome 6:1–11; Galatia 3:26; 1 Korin 12:13.*)

Tûnkâr zirlai hian mi سوال nun siam thar hlak tûra baptisma pawimawhna a târlang dâwn a. Sunday zirlaia kan hmuh angin, ‘Krista nêna kan nunte zawmtîr tûra thutlûkna pawimawh’ tak a ni.

Rome 6:4-ah, tirhkoh Paulan baptisma chan pawimawhzia a sawi belh a. Chutiang chu “A thihnaa baptisma chang, A hnêna phûm” tih angin a sawi a ni. Hei tak mai hi thu awmze manthiam mai har tak a ni fo, baptisma channa zârah kan nun hlui hi kan thihsan tak tak ٲhîn. Chutichungin, hetiang a hriatthiamna hi *Galatia 3:26*-in a nemngheh chu a ni.

A taka Krista chu a ٲhî ang chiah khân, ringtuin baptisma channain سوال a thihsan vê a. Krista chu thlân aţanga nunna thar neia a lo tholeh ang khân, baptisma channaa tui thlân aţanga kan lo thawhlehna hian Kristaa nun thar neihna chu a entîr a ni.

Baptisma hian Krista nêna inzawmna a entîr a. Paulan, “Kan zâin, Juda emaw, Grik emaw, bâwih emaw mi zalên emaw, taksa pmkhata awm tûrin, Thlarau pakhat chauha baptis-in kan awm ٲheuh sî a” (*1 Korin 12:13*, NKJV) tiin a sawi.

Ngaihtuah teh: Engati nge ringtu tam takten Kristaa an thihna chu pawm har an tih thin? Sual thihsan tawh kan nih laiin, sual thenkhatin chona min siamsak leh sî thin hi engtianga manthiam tûr nge kan nih ang? Engtin nge nun hlui leh nun thar inkâra boruak lo awm leh thin hi ringtûte tihbeidawn nân Setanan a hman thin?

II. Thiltihtheihna Lam Pawh? (*Galatia 4:7; Matthaia 4:4–11*)

Hê leia Isuan rawng a bâwl chhûnga thintihâwng thei khawp, Setana chungah pawh thuneihna nei a nihzia chiang taka a lantîrna pakhat chu, thlalêra thlêmna a tawrh lai (*Matthaia 4:4–11*) aţang khân tan a ni. Tûnkâr zirlai hmanga a ziaktûin chiang taka a târlan chu, Krista roluahpuitûte kan nih avângin, A thilneih apiang—a thiltihtheihna lam pawh, ţawmpuitute kan ni tih hi a ni. Kristan zalênna min hlui zînga pakhat chu سوالنا engang chî pawh dah bova ţhan zêl theihna kan nei chu a ni a. ‘Sual hrênga tânna’ aţangin fâ nihna min pe ta a ni.

Setanan kawng engkima Isua a chelh ngang lo chungchâng kha ngaihtuah lawk la, Ellen G. White-i chuan heti hian a ziaak a: “Hê khawvêla Isua a lo kal khân, Setana thiltihtheihna chu Isua do nân hman nghâl a ni a. Bethlehem nausên anga a lo lan vêleh, a nihna hmang sualtu chuan nausên chu tihboral tumin a thawk a. Naupang ţha famkim a nih theih loh nân te, diklohna nei lova a ţhan puitlin theih loh nân te, rawngbâwlna thianghlim a neih theih loh nân te, hmêlhemna nei lo thilhlân a nih loh nân te, kawng tin rêngin a bei char char a. Nimahsela Setana chu hnehin a awm ta zâwk a, سوال Isua a hruai lût thei lo. A tibeidawng thei lo va, leia a lo kal chhan hlen thei lo tûrin a dang thei hek lo. Thlalêr aţanga Kalvari thleng zakin, Setana thinurna thli chhia chuan Isua chu a nam sawk sawk reng a, zahngaihna tel miah lova a nam nasat zawh

poh leh, Pathian Fapa chuan a Pâ kut a vuan nghet ting mai a, thisen luânna kawng zawhin hmalam a pan zêl mai a ni. Isua awpbet tûr leh hneh tûra Setanan a beihna zawng zawngte chu, Isuâ nungchang, bawlhhlawh kâi lo târlang chiang lehzualtu an ni ta hlauh zâwk a ni.”—Ellen G. White, *Chatuan Nghahfâk*, 2nd Edition (2014) pp. 859, 860.

Ngaihtuah teh: Kristian tam takte chuan Isuâ zârah Setana verthernate hi an hneh thei tih an ring lo tlat mai a. Sual thiltihtheihna lang chiang sâ laka zalênna an channa tûr dâltu chu enge ni? Chutianga buai reng tûr chu an ni dâwn em ni? Sawi fiah teh.

III. Paula Thuhretu Nung (*Galatia 3:28, 4:12.*)

Tûn kâr zirlai hi Paulan Galatia mîte hnêna anmahni bâwih thîntu “chak lo leh kutdawh rilru pûa” (*Galatia 4:9*, NKJV) awm zui reng lo tûra ngenna thûin tihtâwp a. Paula ngaihdân chuan, dân zawma chhandam nih tuma beihna ang chî chu milem pathian chibaibûkna lama kîr lehna ang a ni.

Paulan Jentailte chu “keimah angin awm rawh u, kei pawh nangmahni angin ka awm sî a,” (*Galatia 4:12*) tiin a ngên a. Hê ngenna lungkuai tak phêna thutak awm chu, Paulan *Galatia 3:28*-a a târlan, “Chutah chuan Juda mî emaw, Grik mî emaw a awm theih loh a, bâwih leh zalên pawh, mipa leh hmeichhia pawh a awm theih loh; Krista Isua-ah chuan pumkhat in ni theuh sî a,” (NKJV) tih a ni. Kâr leh zirlaia kan la hmuh tûr angin, Paula khân Jentailte khawsak dân leh nunphung tawm vête pawh a nei a ni.

Paula thusawiin a thusawi ngaithlatu Judate beng a verh dân tûr chu kan suangtuah thiam mai âwm e. Ani kha chuan amah leh Jentailte tihhranna ang chî rêng rêng uâr takin a hnâwl hmiah a. *1 Korin 9:21*-ah, Jentail tûte emaw chu Kristâ hnên lama a hruai theih nân, Jentailte anga a awm thû hetiangin a sawi: “Dân nei lote ka lâk luh theihna tûrin, dân nei lote

hnênah dân nei lo angin ka awm ðîn (Pathian dân pawisa lo chuâng sí lo vin),” (NKJV) tiin. Kristaa Paula zalênna chuan sâkhaw zîmna hlîpin, a zâu thei ang bera Pathian hmangaihna puâng tûrin kawng a hawnsak ta a ni.

Ngaihtuah teh: Pathian fâte zawng zawng hnêna thû kan sawiin, engtin nge inpumkhatna chu kan tih ang?

RAHBI 3–A Taka Nunpui Tûr

ZIRTÎRTÛTE PUÂL: Pathian fa tharte kan ni a, Pâ nun dân, Amaha awm (*Johana 15:1–7*) leh, chhûngkaw member bote hnêna A hmangaihna puân chhuah (*Matthai 28:18–20*) awmzia chu kan zir hmasa phawt tûr a ni.

Ngaihtuah Tûr Zawhnate: Kristaa zalênna kan neih vawng nung zêl tûrin, hun serh hmanna hian eng pawimawhna tak nge a neih? *Marka 1:35–39* chhiar la. Hêng chângte hian Isuan hun serh a hman ðhinna nun chungchâng engte nge min hrilh a, engtin nge chû chu dârkâr tina thutlûkna siamna atân a pawimawh? Engati nge ringtu ðhenkhat hian Kristaa Pathian fâ an lo nih tâkna chu an rinhlelh ðhin? Kan nun hluia سوال kan lo tih tawhna khân engtin nge kan Pa nêna kan inkûngkaihna tûrah harsatna a thlen ðhin?

Ataka Nunpui Tûr Zawhna: Engtin nge Kristaa zalênna kan neih leh Bible zirtîrna anga silhfên inbel chungchâng nungchang mâwi te, Kristian nungchang leh hrisêlna siamthatna nêna dawh rem tûr ni ang? Eng thilah nge kan zalên a, kan zalên loh baw? Engtiang kawngtein nge kan Kristian nunkawngah naupang ang kan nih zêlna tûr? Engtiang kawngahte nge Pathian fanu-fapa puitling tawh kan nih thung ang?

Thuhretua Tanna Tûr Zawhna: “Khawvêl chhandamna hnâah hian zirtîrte chu an Tlantu thawhpuitûte an ni tûr a ni.”—Ellen G. White, *Chatuan Nghahfâk*, 2nd Edition, (2014) p. 919. Kan ûnau bo tâte chhandamna hnâ thawh kan phûr dân hian kan Pâ kan hmangaihna chungchâng enge a târlan?

Luka 14:15–24-a zanriah ropui tehkhin thu ropui thû kha chhiar la. Isuan a chhiahhlawhte chu “Kal chhuak ula, lamlianah te, dâiah te kal ula, ka in a khah theih nân han hruai lût hrâm rawh u,” (vs. 23, NKJV) tiin thû a pê a ni. Engati nge Pa khân a hausakna chu a theih anga tam mipui hnêna sem a châk chhan ni ang? Pathian fâte an nih theihna tûrin engang taka ngawrhin nge mîte kan sâwm thîn?

RAHBI 4—Boruak siam rawh

ZIRTÎRTÛTE PUÂL: A hnuaiâ thuchah hi in pâwlte hnênah hrilh la, tûn kêr zirlai hmanga thutak an zirte chu engang takin nge an nunah an seng luh zâwt bawk ang che. Hê pâ hnênah hian eng thilte nge an sawi ang tih ziah chhuahtîr bawk la.

Mi pakhat chuan a hnuaiâ târlan tanpui ngâi nih thû hi Christian Website-ah a pho chhuak a: “Eng emaw châng chuan Pathian hi vân chung sâng hla taka min awm san daih angin ka ngai a. Ka nun hlui sualte lah chuan min rûm thaih reng mai bawk sî. Theihnghilh ka tum ngiâl pawhin ka thei ngang sî lo. ‘Ka hneh vê thei tawh ang, ka ti leh tawh ngai lo vang’ ka tih chângte hian BOOM! Ka chelh ngang lo, ka ti leh ngê ngê zêl sî! Ramhuaiin min dêu tak chungin: ‘Chhuahtian theiah i inngai ngawt elo? Nguâr ang!’ min tih khum a. Chû chu dik riâuva hriat chângte pawh ka nei a. Ka dinhmun hi a hniam ta êm mai a, Pathian khawngaihna hlat takah ka pil ta. Pathian chuan ‘khawi hmunah pawh a hmu thei che’ tih chu a dik chiah lo tih ka hria a. Eng emaw châng chuan Pathian hian min hre tak tak lo a niang titein ka ngaihtuah thîn,” tiin.